

Na osnovu Odluke direktorice Direkcije za evropske integracije o prodaji službenog motornog vozila KIA CEED SW broj: 05/A-16-BT-1188/24 od 24.10.2024. godine, Direkcija za evropske integracije objavljuje

J A V N I O G L A S
o prodaji službenog motornog vozila
putem javnog nadmetanja - licitacije

1. PREDMET PRODAJE

Predmet prodaje je službeno motorno vozilo, vlasništvo Direkcije za evropske integracije.

2. PODACI O VOZILU

vrsta motornog vozila: putnički automobil;
marka: KIA CEED SW AC-KARAVAN;
broj šasije: U5YHM813AEL056041;
broj motora: G4FDDZ728002;
radni obim motora: 1591 cm³;
maksimalna snaga: 99 kW;
vrsta motora/goriva: BENZIN;
boja: PLAVA;
godina proizvodnje: 2013. godina;
pređena kilometraža: 115 352 km;
registarskih oznaka: E94-T-667
registrovano do: 7.11.2024. godine.

Utvrđena početna cijena motornog vozila je u iznosu od 7.257,36 KM (slovima: sedamhiljaddvijestotinepedesetsedam KM i 36/100 KM).

3. PREGLED VOZILA

Vozilo se može pogledati u periodu **od 31.10.2024. godine do 14.11.2024. godine, izuzev u dane 5. i 6. novembar 2024. godine, u vremenu od 11 do 14 sati**, uz prethodnu najavu na broj telefona: 061 209 184.

Vozilo će se nalaziti na parkingu zgrade Direkcije za evropske integracije, u ulici Đoke Mazalića broj 5, u Sarajevu.

4. PRAVO UŠČEŠĆA

Pravo učešća u postupku javnog nadmetanja/licitacije imaju sva fizička i pravna lica sa teritorije Bosne i Hercegovine, koja prije utvrđenog roka za licitaciju uplate predviđeni depozit/kauciju za učešće u javnom nadmetanju u iznosu od 600,00 KM.

Utvrđeni iznos depozita/kaucije za učešće u postupku javnog nadmetanja/licitacije uplatiti na sljedeći način:

- **Primalac: Ministarstvo finansija i trezora BiH**
- **Transakcijski račun broj: 0000030000000145**
- **Poziv na broj: 37111**
- **Svrha uplate: javno nadmetanje/licitacija u Direkciji za evropske integracije**

Pravo učešća u postupku javnog nadmetanja/licitacije nemaju uposleni Direkcije za evropske integracije, kao ni članovi njihove uže porodice.

5. SADRŽAJ PONUDE

Ponuda treba da sadrži popunjen **Obrazac 1** koji je sastavni dio ovog javnog oglasa i može se preuzeti u nastavku teksta.

Ukoliko ponudu dostavlja **fizičko lice**, ponuda mora da sadrži: ime i prezime, ime jednog roditelja, adresu i broj telefona, broj tekućeg računa i ovjerenu kopiju identifikacijskog dokumenta.

Ukoliko ponudu dostavlja **pravno lice**, ponuda mora da sadrži: naziv pravnog lica, adresu i broj telefona, potpis ovlaštenog lica i pečat, ime lica ovlaštenog za zastupanje u postupku javnog nadmetanja/licitacije, rješenje o upisu u sudski registar ne starije od tri (3) mjeseca ovjereno od strane nadležnog organa i broj poslovnog računa.

Uz ponudu dostavlja se i odgovarajući dokaz o izvršenoj uplati depozita/kaucije za učešće u postupku javnog nadmetanja.

Ponuda mora biti potpisana od podnosioca, a ukoliko je ponuđač pravno lice, ista mora biti i ovjerena pečatom pravnog lica.

6. DOSTAVLJANJE PONUDA

Ponude se dostavljaju u zatvorenoj (neprovidnoj) koverti s naznakom „NE OTVARATI“.

Ponude se dostavljaju neposredno predajom na Pisarnicu Direkcije za evropske integracije (soba 109, I sprat) ili putem pošte na adresu: DIREKCIJA ZA EVROPSKE INTEGRACIJE, ulica Đoke Mazalića broj 5, 71 000 Sarajevo

Krajnji rok za dostavljanje ponuda je **20.11.2024. godine do 11 sati**, uključujući i ponude upućene putem pošte.

Sve ponude koje pristignu poslije navedenog roka, bez obzira kada su poslane, nepotpune ponude, kao i ponude s ponuđenim iznosom manjim od utvrđene početne cijene, Komisija neće uzeti u razmatranje.

Javno nadmetanje će biti punovažno i u slučaju da je prihvatljivu ponudu dostavio samo jedan ponuđač.

7. KRITERIJI PRODAJE

Kriteriji za vrednovanje ponuda je najviša ponuđena cijena za motorno vozilo.

U slučaju da su prvorangirane dvije ili više ponuda identične, da imaju u potpunosti istu ponuđenu cijenu za motorno vozilo, Komisija će prednost dati ponuđaču koji je ranije predao ponudu, prema datumu i vremenu prijemnog štambilja s Pisarnice Direkcije za evropske integracije, odnosno prema datumu i vremenu poštanskog žiga.

Prodaja se obavlja po načelu „viđeno–kupljeno“, što isključuje sve naknadne reklamacije i prigovore kupca upućene prodavcu, po pitanju kvalitete i eventualnih nedostataka motornog vozila.

Sve poreze i troškove oko prenosa vlasništva snosi kupac.

8. DAN I MJESTO ODRŽAVANJA JAVNOG NADMETANJA

Javno otvaranje ponuda, obavlja Komisija, a održat će se **u srijedu, 20.11.2024. godine**, sa početkom u **12 sati** u službenim prostorijama Direkcije za evropske integracije, u Sarajevu, ulica Đoke Mazalića broj 5, sala na II spratu.

Prije otvaranja pismenih ponuda, saopćavaju se pravila javnog nadmetanja.

Javnom otvaranju ponuda, može prisustvovati ovlaštena osoba pravnog lica ili fizičko lice, uz prezentaciju punomoći odnosno lične karte.

Nakon otvaranja svih blagovremenih ponuda, zaključuje se javno nadmetanje, utvrđivanjem liste ponuđača koji su ponudili cijenu iznad utvrđene početne cijene, počevši od ponuđača s najpovoljnijom ponudom i konstatuje se da je motorno vozilo prodato najpovoljnijem ponuđaču.

Važenje utvrđene liste ponuđača je 15 dana od dana javnog otvaranja.

9. OBAVEZA KUPCA

S odabranim ponuđačem zaključuje se kupoprodajni ugovor u roku od 7 (sedam) dana po završetku postupka javnog nadmetanja. Kupac je dužan za kupljeno motorno vozilo uplatiti puni iznos kupoprodajne cijene na transakcijski račun broj: 000 003 00000000145 primaoca Ministarstvo finansija i trezora BiH – Direkcija za evropske integracije, pozivom na broj: 37111, a svrha uplate: uplata za kupovinu motornog vozila KIA CEED SW, u roku od 7 (sedam) dana od dana potpisivanja ugovora, a plaćanje se vrši s bankovnih računa koji su navedeni u obrascu ponude. Nakon dostavljanja dokaza o uplati punog licitiranog iznosa, kupcu će biti vraćen prethodno uplaćeni depozit/kaucija.

Ako ponuđač s najpovoljnijom ponudom, odnosno kupac, ne uplati utvrđeni iznos ili ne pristupi zaključenju ugovora o kupoprodaji, u ostavljenom roku, smatrat će se da je odustao od kupovine te mu se u tom slučaju uplaćeni depozit/kaucija neće vratiti a Direkcija za evropske integracije zadržava pravo da ponudi zaključenje ugovora o kupoprodaji slijedećem najpovoljnijem ponuđaču s utvrđene liste.

Sve poreze i troškove oko prenosa prava vlasništva nad kupljenim motornim vozilom snosi Kupac.

Kupac nakon zaključenja Ugovora o kupoprodaji i uplate punog iznosa, može odmah preuzeti motorno vozilo, zajedno sa pratećim dokumentima motornog vozila.

10. DODATNE INFORMACIJE

Obavještenje o prodaji službenog vozila putem postupka javnog nadmetanja objavit će se u dnevnim listovima: Oslobođenje, Nezavisne novine i Večernji list, a cjelokupan tekst Javnog oglasa o prodaji službenog vozila putem postupka javnog nadmetanja dostupan je na službenoj internet stranici Direkcije za evropske integracije www.dei.gov.ba

Za sve dodatne informacije kontakt osoba je:

Kristina Tolić, broj telefona: 033/255 – 326.